


# BA Grafiese Ontwerp >> keuring

**Die doel van FASE 1** is om die volgende aspekte by voornemende studente te beoordeel:

- Die student se motiverings-ingesteldheid (en meegaande skryf- en kommunikasievaardigheid).
- Die tegniese en konseptuele gehalte van vorige kunswerke wat deur die student geskep is
- Die vlak van tegniese, skeppende en konseptuele vermoëns soos deur die vaardigheidstoets gereflekteer
- Akademiese vermoëns

## Hoe doen ek aansoek?

>> stapsgewys



**Die doel van FASE 2**

se **keuringstoets** is om die volgende aspekte te toets:

- Die geskiktheid van die student se persoonlikheidsprofiel vir die studierigting van grafiese ontwerp
- Die student se vermoë om onder druk skeppend en innoverend te dink
- Die student se vermoë om 'n groot aantal idees binne 'n gegewe tydsraamwerk te genereer
- Die student se vermoë om 'n funksionele en kreatiewe oplossing vir 'n gegewe ontwerpprobleem te konseptualiseer en uit te voer.
- Die student se vermoë om tyd te bestuur
- Die **kort onderhoud** toets die volgende aspekte:
  - Die student se algemene talentvlak soos gereflekteer deur sy/haar praktiese portefeulje
  - Die student se selfvertroue en kommunikasievaardighede


**FASE 1 keuring**  
Sluitingsdatum  
**29 Augustus**  
**2010**



Hou asseblief streng by die voorgeskrywe vereistes van hierdie toets.

**AL 4 PROJEKTE moet uitgevoer word.**

## Aansoekvorm




**STAP 1**

### AANSOEKVORM

Vul 'n NWU studente-aansoekvorm in (besikbaar by die Toelatingskantoor, F20, Potchefstroomkampus).

Indien jy by Grafiese Ontwerp gekeur word, beteken dit nie dat jy outomaties Universiteits-toelating het nie. Universiteits-toelating geskied apart van Grafiese Ontwerp se keuring.



**STAP 2**

### AKADEMIESE REKORD

Heg 'n gewaarmerkte afskrif van jou graad 11-puntestaat (van die laaste skooleksamen wat afgelê is) aan jou aansoekvorm.

### POS JOU PAKKIE NA:

#### DIE TOELATINGSKANTOOR

HOFFMANSTRAAT, GEBOU F20

**VIR AANDAG:** Grafiese Ontwerp-Keurpaneel

PRIVAATSAK X 6001


NOORDWES-UNIVERSITEIT

POTCHEFSTROOM

2520



### POS JOU PAKKIE NA:



**STAP 3**

### GESKREWE MOTIVERING

Heg een geskrewe bladsy aan jou aansoekvorm waarin jy verduidelik waarom jy aansoek doen vir hierdie graad.

**APS-telling**  
**21+**

LET WEL>>

<b>ENIGE VRAE?</b>	<b>018 299 2458:</b> NWU-Toelatingskantoor	<b>SKAKEL GERUS</b>
	<b>018 299 4091:</b> Zita Kyster sekretaresse grafiese ontwerp	
	<b>018 299 4092:</b> Wessie van der Westhuizen vakvoorsitter grafiese ontwerp	



plus



plus



plus



plus



plus

## Keuringsleër

### VOORSKRIFTE

Gebruik 'n A4-voorleggingsleër met plastiekblaaie (*Flipfile*).

Jou aansoek moet netjies en afgerond vertoon. Die visuele versorging van jou aansoek geniet oorweging tydens die keurproses en 'n slordige aansoek sal

jou kans om gekeur te word benadeel.

Geen los bladsye moet jou aansoek vergesel nie.

Elke bladsy of projek moet in 'n afsonderlike plastiekblad geplaas word. Plaas die inhoud in dieselfde volgorde as hieronder uiteengesit.

### VOLGORDE EN INHOUD

#### 1. DIE VOORBLAD

Die volgende inligting moet op die voorblad verskyn:

- Jou naam
- 'n Poskaartgrootte foto van jouself
- Die woorde: "Grafiese Ontwerp: Keuring 2011"

#### 2. FOTODOKUMENTASIE

Begin die leër met ongeveer 5-10 foto's van kunswerke wat jy gedurende die afgelope twee jaar gedoen het. Dit kan kunswerke wees wat jy vir skoolprojekte, as stokperdjie of tydens buitemuurse kunsklasse gedoen het.

*Bv. tekeninge, skilderye, ontwerpe, handvaardighede soos pottebakkerie, lapskilderwerk of muurskilderye.*

Foto's kan twee-twee op wit A4-bladsye geplak word. Elke foto moet voorsien wees van die volgende byskrifte:

1. Datum van uitvoering.
2. Medium waarin die werk gedoen is.
3. Die doel waarvoor die werk geskep is (*bv. skool, stokperdjie, ens.*)
4. Die skaal (*grootte*) van die werk.
5. Titel van werk (*indien van toepassing*).

### 3. VAARDIGHEIDSTOETS

Hier volg vier praktiese projekte wat die student tuis **moet** voltooi. Elke projek moet op A4-formaat uitgevoer word. Merk hierdie afdeling met die opskrif: "VAARDIGHEIDSTOETS".

#### PROJEK 1: WAARNEMINGSTUDIE - STILLEWE

Medium: potlood  
Formaat: A4-kardoespapier

Doen 'n interessante stillewe-opstelling op 'n A4-papier wat bestaan uit:

- 'n koppie en 'n piering
- twee vrugte
- 'n wynbottel
- 'n boek
- 'n stuk materiaal (*byvoorbeeld 'n ou Themp*)

Voer die tekening naas 'n ligbron soos 'n venster of 'n bedlamp uit sodat die vorms van die komposisie sterk gedefinieer word met behulp van duidelike lig- en donker vlakke. Skenk aandag aan lig- en skaduwerking, vormgewing, tekstuur, korrekte verhoudings, tonale variasie en natuurgetroue arseertegniese. Hierdie projek toets jou kennis van visuele vormtaalbeginsels, jou

vermoë om akkuraat waar te neem en driedimensionele voorwerpe so natuurgetrou as moontlik op 'n tweedimensionele vlak weer te gee.


**PROJEK 2: LOGO-ONTWERP**

Medium: enige van die volgende - swart inkt / viltpenne / gouacheverf / kleurpotlode  
Kleur: swart en wit / een kleur / volkleur

Ontwerp 'n nuwe logo vir die jaarlikse ontwerpkuystoonstelling, die DESIGN INDABA. Die letters DESIGN INDABA moet 'n integrale deel van die logo vorm. Indien jy nie van ander visuele beelde in die logo wil gebruik maak nie, kan jy slegs 'n tipografiese logo\* ontwerp. Deel jou A4-papier in 4 dele deur middel van lyne wat jy met 'n potlood trek. Doen VIER alternatiewe logo-moontlikhede, een in elke segment van die opgedeelde A4-blad.

Dit is belangrik dat jy navorsing doen oor die DESIGN INDABA voordat jy die logo's begin ontwerp. Besoek die webblad van die DESIGN INDABA en vind meer uit oor die visie en aktiwiteite van die geleetheid sodat jy 'n logo kan ontwerp wat funksioneel daarby inskakel. Om die keuringspaneel te lei deur jou denkprosesse word daar aanbeveel dat jy die betrokke navorsing en voorskette vir die logo's by die leër insluit. Plaas hierdie proseswerk AGTER die finale werke in APARTE sakkies. Dit is egter opsioneel om dit in te sluit.

\*'n Tipografiese logo bestaan slegs uit teks, dit wil sê, die woorde 'Design Indaba' vorm die logo maar die teks is kreatief en visueel gemanipuleer om 'n opwindende visuele beeld te skep.



**PROJEK 3: SELFPORTRRET**  
Medium: potlood  
Formaat: A4-kardoespapier

Maak gebruik van 'n spieël om 'n akkurate selfportrettekening te maak. Doen 'n studie van die proporsionele verdelings van die kop voordat jy begin.

**INLIGTING OOR PORTRRETSTUDIES:** Waak daarteen om slegs bewus te wees van jou gelaatstrekke terwyl jy teken. Probeer jou kop eerder as 'n soliede massa in die ruimte sien. Op hierdie wyse sal jy die korrekte proporsionele konstruksie van die kop beter kan weergee. Dit beteken nie dat jy die gelaatstrekke moet ignoreer nie. In die tekenproses moet jy voortdurend probeer om die unieke karaktereenskappe van die gesig vas te vang terwyl jy die struktuur van die kop probeer vasstel. Die kop van die mens is verstommend simmetries en die onderskeie dele van die kop is eweredig versprei rondom 'n vertikale as. Ironies genoeg is daar seker nie 'n enkele individu op aarde met presiese simmetriese gelaatstrekke nie. Dit is juis hierdie subtiele afwykings van die simmetriese

karakter van die kop wat elke mens se unieke karakter weerspieël.

**PROJEK 4 : GEHEUETEKENING**

Medium: potlood  
Format: een A4 Cartridge papier

Teken enigiets deur slegs op jou geheue staat te maak vir inspirasie. Daar mag dus geen verwysingsmateriaal gebruik word nie.



Bo: (Van links na regs) Helene Botha, Marina Herbst, Claudette Maskell, Pieter Bezuidenhout, wenners in die Student Goldpack Awards.



Above: Package design of: (from left to right) Pieter Bezuidenhout, Claudette Maskell, Helene Botha, Marina Herbst.

**VERKLARING**


Vul asseblief hierdie verklaring in en plaas dit aan die einde van jou aansoekleër.

Hiermee verklaar ek, .....(volle naam) dat al die praktiese werk en fotodokumentasie van werke in hierdie aansoekleër my eie is. Ek bevestig hiermee dat ek die werke onafhanklik uitgevoer het en dat geen bydraes deur 'n ander persoon gemaak is nie. Ek begryp dat my keuring teruggetrek kan word indien daar vasgestel word dat die inhoud van die aansoek op enige wyse valslik as my eie voorgedhou is.

Datum:.....

Handtekening:.....

**Kuns as matriekvak is 'n aanbeveling MAAR NIE 'N VOORVEREISTE NIE!**



**STUDENT WORLD STAR PACKAGING AWARDS**

Third-year students Marina Herbst and Claudette Maskell excelled at the 2009 Student World Star Packaging Awards. Marina Herbst was placed 4th in the world and received an Honourable Mention Certificate, while Maskell ranked 11th and received a Certificate of Recognition.

The Student World Star Award programme was established in 2005. Its main objective is to encourage future packaging experts. This event is organised by the World Packaging Organisation. The contest has been well received year after year because of students' enthusiastic participation, with innovative design and development in packaging technology, from all over the world.

**STUDENT GOLDBACK AWARDS**

Studente ontvang goud

NWU-studente het die afgelope paar jaar hul merk gemaak in verpakkingsontwerp deur op beide nasionale as internasionale vlak te presteer.

In 2009 het Grafiese Ontwerpstudente van hierdie instelling weer eens die ontwerpafdeling van die 2009 Student Goldpack Awards oorheers deur twee van die drie kategorieë vir ontwerpstudente te wen. Marina Herbst het benewens die eerste plek in die Vonkelwynverpakking-kategorie ook met die algehele goud-toekening in die ontwerpafdeling weggestap. Pieter Bezuidenhout het ook die spesiale Sappi Paper Award ontvang vir sy innoverende gebruik van papier in hierdie kategorie. Claudette Maskell is in die kategorie vir parfuumverpakking as die wenner aangewys. Verder is Helene Botha as finalis in die Roomysverpakking-kategorie aangewys.

Hierdie sukses sit die 2008-sege voort, toe NWU-studente ook as wenners in twee van die drie kategorieë aangewys is. Carien Roberts het in dié jaar as wenner van die *Brighten your smile*-kategorie uit die stryd getree en is ook met die goud in die algehele ontwerpkategorie bekroon. In dieselfde jaar het Adèle Jonker die brons in die algehele ontwerpkategorie ontvang met haar inskrywing wat ook as die wenner in die Nando's nageregverpakkingskategorie aangewys is. Dit is ook in hierdie kategorie waarin 'n merietetoekening deur Nadia Roodt behaal is. Twee ander NWU-studente wat in 2008 finalistoekennings ontvang het is Ilze Vermaak in die *Brighten your smile*-kategorie en Pieter Smit in die *Uniquely South African*-kategorie.

Die Student Gold Pack Awards is gemik op alle geregistreerde ontwerper- en verpakkingstudente aan tersiëre instansies in Suid Afrika. Sedert sy ontstaan het die Student Gold Pack Awards gegroei tot 'n prominente en prestigeryke kompetisie, waarvan die standaard internasionaal meetbaar is.